

## Milanović Ferhat Lelo, geod. inž.



U Bugojnu je, nakon kratke i teške bolesti prestalo da kuca srce našega kolege Lele. Preminuo je 21.10.2023. godine. Kolega Lelo je bio prije svega dobar kolega, a potom i veliki stručnjak.

Milanović (Himzo) Ferhat je rođen 06.10.1955. godine u Bugojnu. Još u djetinjstvu je stekao nadimak Lelo po kojem su ga mnogi i upamtili. U Bugojnu je završio osnovno i srednjoškolsko obrazovanje. Nakon završene srednje škole upisuje Višu geodetsku školu u Beogradu, koju uspješno završava 1979. godine kada stiče zvanje geodetskog inženjera. Po završetku studija, 1979. godine zapošljava se u Općinu Donji Vakuf u Službi za katastar gdje je radio sve do 1992. godine. Brak je sklopio 1983. godine sa svojom životnom saputnicom Mirsadom sa kojom je dobio dvije kćerke, sada već mlade uspješne žene, Amilu i Lejlu, na koje je bio izuzetno ponosan.

Tokom ratnih dešavanja u Bosni i Hercegovini od 1992. do 1995. godine bio je pripadnik OS RBiH.

U općinu Bugojno u Službu za urbanizam, građenje, geodetsko-katastarske i imovinsko-pravne poslove – odjel katastra se zapošljava 1999. godine i radi na poslovima održavanja premjera i katastra sve do 2020. godine kada odlazi u zasluženu penziju.

Pored redovnih poslova održavanja premjera i katastra radio je i kao stalni sudski vještak geodetske struke.

Profesionalnim odnosom prema poslu sačuvao je ugled katastra općine Bugojno. Svojom kolegijalnošću i odanosti geodetskom pozivu, te nesebičnim dijeljenjem znanja i iskustva, bio je uzor i primjer svim mladim kolegama.

U slobodno vrijeme se bavio nogometom i stonim tenisom, što je u mladosti bilo na profesionalnom nivou.

Njegovim odlaskom, radni kolektiv a posebno porodica, su izgubili velikog druga i prijatelja.

*Emina Duvnjak*